



Broj: 06-1-07-1-3005/24
Sarajevo, 06.02.2025. godine

Na osnovu člana 2.9 stav (1) tačka 16, a u vezi člana 1.10 stav (1) tačka 1. i stav (2), člana 19.4 stav (1) i stav (2) i člana 19.6 stav (1) tačka b) alineja 1) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 15. Uputstva o dodjeli i prestanku mandata ("Službeni glasnik BiH", broj 31/24), u pravnoj stvari dodjele zamjenskog mandata u Gradskom vijeću Grada Mostara, Centralna izborna komisija Bosne i Hercegovine je na 7. sjednici, održanoj dana 06.02.2025. godine, d o n i j e l a

O D L U K U

o dodjeli mandata

- 1) **Dizdarević Eni**, kandidatkinji sa kandidatske liste političkog subjekta KOALICIJA ZA MOSTAR - SDA - BPS - BH ZELENI, na Lokalnim izborima 2024. godine, dodjeljuje se mandat vijećnice u Gradsko vijeće Grada Mostara
- (2) Dizdarević Ena dužna je postupiti u skladu s članom 1.3a stav (3) Izbornog zakona BiH i u roku od sedam dana od dana prijema Izjave o prihvatanju/odbijanju mandata istu čitko popuniti i dostaviti Centralnoj izornoj komisiji BiH.
- (3) Ukoliko Izjava iz stava (2) ne bude dostavljena u navedenom roku, smatrat će se da je kandidat odustao od mandata, te će se mandat dodijeliti narednom kvalificiranom kandidatu sa liste.

O b r a z l o ž e n j e

Na temelju zahtjeva Sulić Ines, vijećnice u Gradskom vijeću Grada Mostara, izabrane na Lokalnim izborima 2024. godine sa liste političkog subjekta HDZ BIH-HRVATSKA DEMOKRATSKA ZAJEDNICA BIH, iz gradske izborne jedinice, Centralna izborna komisija BiH je imenovanoj utvrdila prestanak mandata, odlukom broj: 06-1-07-1-3005/24 od 08.01.2025. godine.

Prestankom mandata vijećnice Sulić Ines, mandat u Gradskom vijeću Grada Mostara ostao je upražen.

Članom 19.4 stav (1) Izbornog zakona BiH, propisano je, između ostalog, da se u Gradsko vijeće Grada Mostara **iz gradske izborne jedinice bira 13 vijećnika**. U Gradskom vijeću bit će zastupljena najmanje četiri vijećnika iz svakog konstitutivnog naroda i jedan vijećnik iz reda ostalih.

Stavom (2) istog člana Zakona propisano je da nijedan od konstitutivnih naroda, niti iz grupe ostalih, **ne mogu imati više od 15 svojih predstavnika** u Gradskom vijeću.

Sulić Ines dobila je mandat vijećnice u Gradskom vijeću Grada Mostara kao kandidatkinja iz reda srpskog naroda.

Prestankom mandata vijećnice Sulić Ines, u Gradskom vijeću Grada Mostara, nije narušena minimalna nacionalna zastupljenost vijećnika iz reda srpskog naroda, iz člana 19.4 stav (1) Izbornog zakona BiH.

Međutim, imajući u vidu to da je naredni kvalificirani kandidat sa iste liste političkog subjekta, HDZ BIH-HRVATSKA DEMOKRATSKA ZAJEDNICA BIH, Knezović Damir, za Gradsko vijeće Grada Mostara, iz gradske izborne jedinice, iz reda hrvatskog naroda, dodjelom mandata navedenom kandidatu bila bi narušena maksimalna nacionalna zastupljenost vijećnika u Gradskom vijeću Grada Mostara iz reda hrvatskog naroda, a iz člana 19.4 stav (2) Izbornog zakona BiH.

Članom 19.6 Izbornog zakona BiH propisano je, između ostalog, sljedeće:

(1) Ukoliko ukupna dodjela mandata vodi ka zastupljenosti jednog konstitutivnog naroda i/ili vijećnika iz reda ostalih iznad kvote utvrđene prema članu 19.4. stav (2) ovog zakona, primjenjuje se sljedeća metoda:

- a) Prekobrojni mandat s najmanjim količnikom preraspodjeljuje se kandidatu koji ne pripada datom konstitutivnom narodu i/ili redu ostalih, sljedećem kandidatu na listi iste političke stranke, liste nezavisnih kandidata ili koalicije kojoj je mandat dodijeljen u skladu s članom 9.5 stav (1) ovog zakona. U slučaju dodjeljivanja mandata prema formuli iz člana 9.5. stav (1) ovog zakona nezavisnom kandidatu, primjenjuje se tačka b) ovog člana.
- b) Ako nema takvog kandidata ili u slučaju dodjeljivanja mandata prema formuli iz člana 9.5. stav (1) ovog zakona nezavisnom kandidatu, mandat se prenosi u istu izbornu jedinicu gradskog područja ili:
 - 1) političkoj stranci, listi nezavisnih kandidata ili koalicije koja ima kandidata koji ne pripada datom konstitutivnom narodu i/ili redu ostalih, a preostao je na listi ili
 - 2) nezavisnom kandidatu ili kandidatima koji ne pripadaju datom konstitutivnom narodu i/ili redu ostalih i imaju najveći sljedeći količnik, kako je to utvrđeno u članu 9.5. ovog zakona.

Uvidom u ovjerenu kandidatsku listu političkog subjekta HDZ BIH-HRVATSKA DEMOKRATSKA ZAJEDNICA BIH, za izbor vijećnika u Gradsko vijeće Grada Mostara iz gradske izborne jedinice, utvrđeno je da na istoj nema više kandidata iz reda drugog naroda.

Nadalje, primjenom navedenih zakonskih odredbi, utvrđeno je da sljedeći najveći količnik u gradskoj izbornoj jedinici pripada političkom subjektu KOALICIJA ZA MOSTAR - SDA - BPS - BH ZELENi, te da je sljedeći neizabrani kandidat sa navedene liste pripadnik bošnjačkog naroda, a što udovoljava odredbama člana 19.4 stav (1) i stav (2).

S tim u svezi, a na temelju Poglavlja 19 Izbornog zakona Bosne i Hercegovine, mandat vijećnika u Gradskom vijeću Grada Mostara dodjeljuje se Dizdarević Eni, kandidatkinji sa kandidatske liste političkog subjekta KOALICIJA ZA MOSTAR - SDA - BPS - BH ZELENI, iz gradske izborne jedinice.

U skladu sa navedenim, Centralna izborna komisija Bosne i Hercegovine je, na osnovu člana 2.9 stav (1) tačka 16, a u vezi člana 1.10 stav (1) tačka 1. i stav (2), člana 19.4 stav (1) i stav (2) i člana 19.6 stav (1) tačka b) alineja 1) Izbornog zakona Bosne i Hercegovine, člana 15. Uputstva o dodjeli i prestanku mandata, odlučila kao u dispozitivu ove Odluke.

Pravna pouka: Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.



Dostavljeno:

- Dizdarević Ena,
- Damir Knezović
- G.V. Grada Mostara, nakon pravomoćnosti,
- a/a.